

DEDICATIO.

ut si hanc hyemem è manibus dimitterem, halcyonia, quæ hætenus per DEI gratiam experior, eriperentur, adeoque imperfectum relinquere necesse haberem, quod ut perficeretur tum mea promissa, tum amicorum monita, tum denique multorum commoda exigebant. Hoc vero quidquid est laboris, Vir Generose, inclytissimo tuo nomini nuncupare volui, ut extaret ex me ad memoriam posterorum aliquod ingentium tuorum in me beneficiorum, & meæ in te qualiscunque observantiae monumentum.

Nam quia calamum nunc appendo satur, ita ut emissa jam mea encyclopædia, & methodo Theologiæ plene tractata, deinceps nihil cogitem scribere in publicum, sed totum vitæ tempus in meditatione & exercitatione perennis sapientiæ, quæ in Scripturis continetur, traducere; volui hunc ultimum ingenij mei sætum patrono meo non ultimo inscribere.

Quod quidem eo feci libentius, quia videor mihi in promptuario concionum ea complexus esse, quibus gravis tua ætas æque ac mea statura possit preparari ad vitam illam cœlestem, quæ nobis in hac militia proposita est meta & brauium, atque adeo regula omnium nostrarum ætationum.

Accipe itaque, Vir Generose munus, quod magnum est effectû offerentis, & rerum, quas continet, effectû longe maximum.

Ita